

Hulpbestuurskantoor a celebra 65 aña sirbiendo Aruba

1 december 1959 a inaugura Aruba su prome HBK na San Nicolas

RECIENTEMENTE na MFA Savaneta, Prome Minister Evelyn Wever-Croes a atende e celebracion di 65 aña di Hulpbestuurskantoor, HBK. Prome Minister durante su discurso a conta un tiki di e historia di HBK y e motibo tras di esaki.

E motibo principal pa un Hulpbestuurskantoor tawata pa trece servicio mas cerca di e ciudadano p'asina e ciudadano por gana tempo teniendo e servicionan di gobierno cerca di cas. E prome diseño di e edificio d HBK tawata di aña 1956 y e destaho publico tabata dia 17 december 1957. E construccion a dura 2 aña y na dia 1 december 1959 a inaugura Aruba su prome HBK na San Nicolas oficialmente. E HBK di San Nicolas no solamente a trece un alivio p'e habitantenan di San Nicolas pero tambe a tawata un alivio p'e oficina principal na Playa ya cu e fluho grandi di hende a disminui.

Na september 1959, Biblioteca Publico a bay den e mesun edificio di HBK San Nicolas, sigui pa eilandsontvanger apenas 1 luna despues. Na december 1982 a toca pa Savaneta haya su HBK, na aña 1983 na Santa Cruz y na aña 1997 a habri HBK na Paradera. Cu e HBK-nan, gobierno a logra expande, promove, mehora y haci mas accesibel tur servicionan di gobierno den tur districto.

N'e momento aki HBK ta bayendo den un era digital y lo ta digitalisando procesonan di gobierno pero semper considerando esnan cu no tin acceso na un computer of no tin tur conocimiento di maneho di esaki. Pa nan lo tin empleadonan na HBK-nan pa duna asistencia cu e servicio cu nan mester.

“For di profundo di mi curason, mi ta gradici cada empleado di HBK p'e servicio y aporte continuo na nos habitantenan. Boso t'e cara di gobierno den e forma mas palpable y tangible. Sigui haci boso trabao cu mes amor cu boso a bin ta haci durante añanan. No ta tur dia boso trabao ta facil, sinembargo e smile no ta kita for di boso cara pasobra boso tin un tarea pa cumpli cu ne. Sigui duna servicio di calidad, y



ban sigui haci historia hunto”, Prome Minister a expresa.



CAYA HARMONIA 1. LOKAAL 2
NOORD (PATRAS CITGO SASAKI)

Designed by **divvoo**

 **@junglecafe**

